

(ciep geizgonq)

Yienghneix, ci haihai dingzdingz, roek diemj lai lij caengz daengz Lingzli youh dingz lo, swghih youh roengz ci coih ci, coih le haemq nanz, swghih naeuz, coih cix coih lo, hoeng, gujsuenq ci byaij mbouj ndaej geijlai gyae youh vaih, heuh daj Vujsenh diuh ci daeuj lawh.

Youh hai le song duenh loh, yaek daengz caet diemj cung, cij daengz Hwngzyen. Swghih siengj youq Hwngzyen Fuzvucan caeuq ci daeuj lawh haenx gyauciep, ci dingz lai nanz, daihgya dauqdaej ndaej roengzci daeuj yiet gaemz heiq ndeu lo. Daihgya yietnaiq gwn doxgaiq, boux-boux menhyaengaeng, lumj cungj vuen'wtwt nei mbouj siengj deuz lo. Geij boux lwgnyez engq maengx, guh-angq hwnjdaej lo. Ci lawh lij caengz raen daeuj, fuzvuyenz heuh daihgya hwnj ci, swghih hai ci daengz gizdieg lai gvangq bae dingz roengzdaej.

Seizneix, dingq gangj Cinzdangz saek ci, ci daeuj mbouj ndaej, saefouh hix daeuj mbouj ndaej lo. Seizneix, soujgih daihgya couh nauhyied hwnj-daeuj lo. Daihgya cungj lwnh caencik baengzyoux gij cingzgvang mbouj miz banhfap neix. Couh miz vunz aeu daeuj ciep vunz, gizgyawj lij heuh bae gizde gwn caeuz. Vangz lauxsae Hwngzyen hix heuh gou bae giz de, naeuz aeu daeuj ciep gou. Hwhw, cibngeih nyied 25 lo, bouboux siengj sikhaek baema daengz ranz, miz bouxlawz lij miz sim'eiq bae giz wnq ne?

Dah sau ndeu dwk soujgih, doiq caencik roxnaeuz baengzyoux mbenj-mbimbi gangj: "Lij youq Hwngzyen Fuzvugih o.....mbouj yungh daeuj, Cinzdangz saek ci.....mbouj yungh, mwngz hai ci daeuj ciep gou boux ndeu baema, mbouj habsuenq."

Daeg mbauq ndeu hix dwk soujgih, de riuwhw naeuz: "Lij youq fuzvucan sou gizneix ne..... hwhw,

Cinhyin Maranz

春 运 回 家

□Ganh Sozvwenz/甘说文

mbouj bae lo, iek daengz dungx cungj ngamx lo.....hwhw, mwngz daeuj couh mbouj cij haici daeuj ciep, aeu soengq caeuz daeuj cij ndaej, aeu hawj daengx ci vunz soengq caeuz cij ndaej, hwhw....."

Doengz suzse boux Se lauxsae youq gwnz QQ naeuz gou: "Heuh bouxgvan mwngz hai ci daeuj ciep mbouj ndaej ma? Vihmaz itdingh aeu nyoeignyamx swgheij ne? " Gizsaed, ci haihai dingzdingz, cungj laihaeuz hai ndaej lo, nienz yaek daengz lo, bouxlawz sijndaej youq seizneix hawj caencik baengzyoux buet bae buet dauq daeuj ciep ne?

Yaek daengz gouj diemj cungj, ci ngamq daengz Yinzbiuj, gangj caiq gvaq 30 faen cung daj Namzningz miz ci daeuj lawh. Ci dingz youq rog souhfeican Yinzbiuj gauhsuzlu caj. Daihgya cungj roengz ci, boux cit ien cit ien, boux gangjgoj gangjgoj. Lwgnyez youh diuq youh foux, saenzheiq raixcaix, lumj ciengxlwenx mbouj baema cix ndaej nei. Gou hix siengj roengz ci, hoeng, gyanghwnz rumz nitnat, bik ndaej gou youh suk dauqma gwnz ci.

Gouj diemj ngeihcib faen, ci daeuj daengz lo, swghih sien coih ci gonq. Fuzvuyenz naeuz doxgaiq lai lai, mbwn youh laep, mbouj ndei buen, aeu coih ci ndei le song gyaq ci guhdoiha baema.

Daihgaic coih le 20 faen cung, ci coih ndei lo. Daihgya sikhaek hwnj ci. Gyaq ci haenx couh mbouj caeuq dou


guhdoiha ma Vujsenh lo. Hainduj gou lij youheiq ci seiz mbouj seiz dingz roengzdaej, dauqdaej, ci caen coih ndei lo, mbouj caiq vaih lo.

Yaek cibngeih diemj cung, ci daengz camh lo. Ndaw cicamh, boux daeuj ciep gaenq caj ndaej nanz lai lo. Daihgya da ndeu couh yawjraen vunzcaen swgheij. Gwnz mbwn fwnmoenq doek foenfoen, nit daengz ndok bae, hoeng, coenz vah raeujrub, vafwngz raeujrub, aenci daeuj ciep hix raeujrub, boux ma caeuq boux ciep, gig vaiq baema aen ranz raeujrub lo.

Gou yamq haeuj dou ranz seiz gaenq gvaq cibngeih diemj cung lo, cuengq doxgaiq roengzdaej, mbon soujgih okdaej, mbouj lumz lwnh daihgya, gou dauqdaej bingzan daengz ranz lo, guh sat baez gamjsouh cinhyin neix lo. Soujgih gou caeux couh daezsingj dienh mbouj gaeuq, seizneix hix hauq sat gaek dienh ceiq laeng, youh baeg youh naiq, gag gven gei yietnaiq lo.

Cinhyin couh yienghneix: Boux ndaej ma ranz cungj maranz, bouboux sim gip dangqmaz. Cihék cienzbouh camgya cinhyin aen daihciegq neix, gyaqgyaq cungj dwg "cawjcieng", mbouj miz gyaq lawz dwg "bing lawh". Vunz lai baebae dauqdaej, daihgya cungj dawz sim beij sim, doxrox doxyungz doxbang, naihsim gaeuq, miz siuhyangj, mbouj miz vunz fatheiq. Youq ndawde yawj ndaej raen gij saedceij huzndei raeuz.

(sat)



Ranzmbanj Gyaunde

Veiz Gozcingh Sangcieng Cawj-guenj Guengjsae Ngeihcib Bi

韦 国 清 上 将 主 政 广 西 二 十 年

□Hoz Saubangisii Cioz Siengzcoub Liuz Giingliuj Cioz Siengzzen boiz

Veiz Gozcingh gig gvansim ndawsingz seuqcingh. Bi 1965, miz baez ndeu de doiq sicangj Veiz Cunzsuz naeuz: "Ndawsingz uq, cujyau dwg roen mbouj ndei, wnggai guh gij roen doxlienx ndawsingz haenx baenz gij roenbwzyouz roxnaeuz gij roensuijniz." Namzningz Si ciuq gij cijsi de, guh baenz haj roek cib diuz roensuijniz, gvaqlaeng ndawsingz cix lai seuqcingh lo.

Veiz Gozcingh mboujdanh gvansim hwnjguh ndawsingz, caemh gvansim hwnjguh dieghenzsingz. Doenghbaez de bae gvaq Sahcingj, Sinhhih Gunghse gij dieghenzsingz neix ngonczaz, daezok mboujnoix yigen hawj gij dieg neix guh hong. Bi 1965 ndwen 7, de youq diegrogr raiz saenq hawj siveij suhgi Siuh Hanz naeuz: "Gij dieghenzsingz Namzningz, wnggai youq cingjdaej gviveh Namzningz Si lajde, doenggvaq se'gyau, guh ok baudaengz haeux,

byaek、mak、doenghgogai、cauh ndoeng loegvaq daengj fuengmienh cienzmienh anbaiz, gauj gij gviveh geizgyawj caeuq gij gviveh ciengzgeiz hwnjdaej."

De nyinhnaeuz, gij dieghenzsingz Namzningz raemx、bwnh daengj gak fuengmienh diuzgienh cungj lai ndei, nungzyez wnggai ndaej oklai. Daj gyaeujgiuz Giuzhung Yunghgyangh gvaq Roenhung Baihnamz Dah daengz dieggunghyez, aeu bingzcingj dieg, gajndeidei namh. Danghnaeuz ndaem gohaeux, wnggai ndaej moux ok cien

gaen doxhwnj; danghnaeuz ndaem gobyaek, wnggai moux ok fanh gaen doxhwnj; danghnaeuz ndaem gomak, wnggai oklai; danghnaeuz ndaem gofaex, wnggai caezcup mwncup, gaej ndaem ndaej mbouj dai mbouj lix, camjca mbouj caez.

De iugouz Namzningz Si itdingh aeu miz giva dwk guh ndei swngheicanj lwgmak, guh daengz baenzbi seiqseiz gwnzhaw cungj miz mak gai, caemhcaiq gai ndaej okbae. De lij daezok aeu genj gaiq dieg habdangq ndeu ndaem go'gyoij Sihgung

Yeznanz, golwg gojyij gaen aen Cungj Lingiswgvanej Yeznanz cap youq Namzningz haenx doxyaeng, doeng-gvaq vaimou gajgeiz.

De nyinhnaeuz, dieghenzsingz wnggai leihyungh ndei gij dieg seizneix miz haenx. Gij se、dui dieg noix vunz lai haenx, wnggai diuzcingj ok mbangj dieg daeuj, ndaem gomak roxnaeuz doenghgogai. Gij gunghcangj homh haujlai dieg haenx, youh mbouj ndaem doxgaiq, itdingh aeu haenq-rengz ceiqdingz gyoengqde.

(caengz sat)